

[*en marge*] Parochialis sanctissimae Annunciatae de Padano [sic]

Die 4 iulii 1686.

Praefatus dominus visitator (etc.) visitavit ecclesiam parochialem sub invocatione sanctissimae Annunciatae de Pedano, cuius ad praesens est rector admodum reverendus dominus Angelus Franciscus Morlas, quam assequutus fuit sex circiter abhinc mensibus per concursum, ut ex bullis suae collationis Romae expeditis (etc.), percipiens in annuo reddito libras quatuorcentum monetae Genuae, consistentes in decimis, primitiis, oblationibus et in aliis fructibus bonorum stabilium dictae ecclesiae.

[352v] Visitavit sanctissimum sacramentum, quod invenit asservari in pyxide ex argento intus deaurata, conopaeo albi coloris et cruce in eius summitate instructa ad formam, atque inservit pro adoratione et communionibus generalibus.

Visitavit aliam pyxidem parvam pariter ex argento intus deauratam, cum bursa serica et suis cordulis sericis unde appendatur ad collum sacerdotis, et est ad formam atque inservit pro sanctissimo viatico asportando. Dictum sanctissimum sacramentum asservatur ad altare maius in tabernaculo ligneo in totum deaurato, antiquae et tolerabilis formae, habet conopaeum albi coloris et crucem in eius summitate cum baldachino ligneo supra se tolerabiliter ad formam. Est etiam munitum ser<r>a secreta et clave, in qua mandavit appendi cordulam speciosi coloris.

Vidit baldachinum rubei coloris sericum atque etiam velum humerale albi coloris sericum, et sunt ad formam. Pluviale, ostensorium et thurribulum cum eius navicula et etiam lanternae magnae deficiunt, sed toleratur propter inopiam communitatis nimis diminutae, et tantum mandavit provideri de duabus lanternis pro sanctissimo deferendo et etiam thurribulo cum eius navicula n[e]c non de ostensorio cum eius vitro saltem infra triennium.

Lampas ante sanctissimum sacramentum continuo ardet ex impensis communitatis, quae etiam providet de caeraeis pro deferendo sanctissimo. Vidit etiam umbellam ad formam, mantavit tamen in eius summitate apponi crucem.

Visitavit fontem baptismalem, cuius vas est marmoreum, ciborium vero ligneum, et est ad formam [353r] atque munitum ser>r>a secreta et clave quae detinetur penes dominum rectorem, cum cruce in eius summitate; mandavit provideri de conopaeo et etiam supra ipsum appendi umbellam seu baldachinum et etiam in eo apponi imaginem sancti Ioannis Baptistae Christum baptizantis. De cancellis ligneis nihil ordinavit propter angustiam ecclesiae. In dicto fonte invenit asservari vasa stamnea oleorum chrismatis et cathaecumenorum, et stant ad formam, et etiam

cochlear stanneum pro aqua suscipienda, sed quia invenit in eodem asservari etiam oleum infirmorum in vase stanneo, ideo mandavit in posterum debere asservari in fenestrula iam constructa in pariete prope altare maius in cornu evangelii, quam mandavit intus vestiri panno violacei coloris et muniri ser<r>a secreta et clave quae detineatur paenes dominum rectorem, et foris inscribatur literis maiusculis *Oleum infirmorum*.

Visitavit altare maius, quod manuteneretur a communitate, nullum habens redditum nec onus, et est sufficienter provisum de requisitis ad celebrationem missae; mandavit tamen readaptari dictum altare in illa parte in qua est fractum.

Visitavit altare cum eius capella sub invocatione beatae Virginis de Rosario, quod manuteneretur a communitate et est provisum de icone et etiam de requisitis ad celebrationem missae quae in eo aliquando celebratur absque ullo reddito et onere, et mandavit provideri de duobus candelabris. Coram dicto altari est erecta societas tam virorum quam mulierum auctoritate apostolica cum privilegiis et indulgentiis, et ab eadem solet [353v] recitari rosarium ter per haebdomadam. In eadem capella et coram dicto altari adsunt duo monumenta sepulchralia manutenta a communitate, unum pro viris et alterum pro foeminis, et sunt ad formam; mandavit fieri aliud tumulum pro parvulis sepeliendis, et in ea parte in qua possit reparari inundationi aquae quae saepe saepius solet imminere dictae ecclesiae.

Visitavit sedem confessionalem ad formam et mandavit in ea apponi schedulam casuum reservatorum et summarium bullae Coenae.

Visitavit suppellectilia sacra, quae invenit asservari in choro in quodam scamno, quod mandavit muniri ser<r>a secreta et clave quae detineatur paenes dominum parochum, et invenit sufficientia.

Corpus ecclesiae est dealbatum et tolerabiliter ad formam, sicut etiam sunt eius fores, munitae clave quae detinetur paenes dominum parochum.

Visitavit etiam parvum campanile cum una campana ad formam.

Doctrina christiana docetur singulis diebus dominicis inter missarum solemnias.

Nuptiae non benedicuntur, ideo mandavit in posterum benedici ad formam missalis romani, et si sponsi negligentis fuerint in benedictione petenda contra eos poenam statuendam (etc.).

[*en marge*] Ecclesia campestris sancti Ioannis Evangelistae

Visitavit ecclesiam campestram sub invocatione sancti Ioannis Evangelistae, quae antiquitus erat ecclesia parochialis de Pedano et pro maiori commoditate populi fuit translata ad praedictam ecclesiam beatae Mariae virginis Annunciatae.

Visitavit in dicta ecclesia unicum altare, nudum et expoliatum et tantum provisum de icone; [354r] in eo tamen solet celebrari aliquando et tunc temporis asportantur suppellectilia sacra ex ecclesia parochiali praedicta.

Corpus ecclesiae est dealbatum et ad formam, sicut etiam sunt eius fores, munitae clave quae detinetur paenes dominum rectorem. Vidit etiam campanile cum campana ad formam.

Procurator dictae ecclesiae adest et annuatim renovatur et computa tunc temporis redduntur coram domino rectore et populo.

Confraternitas laicalis hic non est erecta, et dictum fuit homines huius parochiae aggregatos esse confraternitati de Petralta [*lire* Petralba], sicut etiam sunt mulieres huius loci.

Intra limites huius parochiae reperitur situm oratorium sub invocatione sancti Michaelis arcangeli, titolare cuiusdam beneficii simplicis annui redditus librarum quatuorcentum et quinquaginta monetae Genuae, et de praesenti possidetur ab eminentissimo domino domino cardinali Spinula episcopo Lucae.

Visitavit libros parochiales et invenit ad formam. Animae huius parochiae sunt in totum triginta, ex quibus communicantur viginti et tres, et omnes paruerunt praecepto ecclesiae.

Visitavit aedes canonicales, quas invenit periculosas et ruinam minantes, et ideo mandavit readaptari ita ut habitabiles sint et aptae ad formam.

[*en marge*] Parochialis sancti Rocchi de Petraalba

Die 5 iulii in tertiis.

Praefatus dominus visitator (etc.) visitavit ecclesiam parochialem sub invocatione sancti Rocchi de Petralba, cuius ad praesens est rector admodum reverendus Ioannes Gilius de Paulis, quam assequutus fuit triginta quatuor abhinc annis per concursum, ut [354v] ex bullis suae collationis apud ordinarium expeditis apparet (etc.), percipiens in annuo reddito septem vel octo

centum libras monetae Genuae, provenientes ex decimis, primitiis, oblationibus et etiam ex aliis fructibus bonorum stabilium dictae ecclesiae, quae ecclesia parochialis gravata est pensione annua librarum septuaginta monetae Genuae reservata ad favorem reverendi domini Angeli Francisci de Christophinis.

Visitavit sanctissimum sacramentum, quod invenit asservari in pyxide ex aere cum cuppa argentea in totum deaurata, conopaeo albi coloris et cruce in eius summitate instructa ad formam, atque inservit pro adoratione et communionibus generalibus.

Visitavit aliam pyxidem parvam ex argento intus deauratam cum sua bursa serica, quae inservit pro asportando sanctissimo viatico ad infirmos ad formam.

Visitavit ostensorium ex auricalco in totum deauratum cum suo vitro et lunula ad formam, quod inservit pro expositione et asportatione sanctissimi in processionibus.

Vidit baldachinum sericum albi et rubei coloris, quod inservit pro deferendo sanctissimum et est ad formam, nec non umbellam, et mandavit in eius summitate apponi crucem.

Velum humerale sericum albi coloris, thurribulum cum eius navicula ex auricalco sunt ad formam.

Lampas ante ipsum sanctissimum sacramentum pendet ad formam, continuo ardens ex impensis communitatis, quae etiam providet de caeraeis pro deferendo sanctissimo.

Vidit lanternam magnam ad formam et mandavit provideri de altera eiusdem formae, [355r] sicut etiam mandavit provideri saltem infra biennium de pluviali.

Dictum sanctissimum sacramentum asservatur ad altare maius in tabernaculo ligneo in totum deaurato, et est elegantis formae, habet suos conopaeos diversi coloris secundum currentia tempora cum imagine Redemptoris in eius summitate; habet etiam supra se baldachinum varie depictum ad formam et est munitum ser<r>a secreta et clave, quam mandavit deaurari et in ea appendi cordulam sericam speciosi coloris.

Visitavit fontem baptismalem, cuius vas est marmoreum, ciborium vero ligneum, conopaeo cerulei coloris et cruce in eius summitate instructum nec non munitum ser<r>a secreta et clave quae detinetur paenes parochum ad formam; sed quia invenit dictum ciborium ligneum posse separari a <a> vase marmoreo, ideo mandavit saltem infra mensem totaliter readaptari, ut nequeat amplius in posterum separari; mandavit etiam supra dictum fontem appendi umbellam seu baldachinum saltem infra biennium. Vidit circum circa septum cancellis ligneis ad formam.

In eodem fonte mandavit apponi imaginem sancti Ioannis Baptistae Christum baptizantis.

Visitavit in eodem fonte cochlear ex lamina ferrea dealbato pro aqua suscipienda in

baptizandis infantibus.

Vidit etiam in eo asservari vasa stannea oleorum chrismatis et cathaecumenorum ad formam, sed quia in eodem invenit asservari etiam oleum infirmorum in vase stanneo, ideo mandavit in posterum debere asservari in fenestrula conficienda in pariete prope altare maius in cornu evangelii, quae vestiatur intus panno violacei coloris et muniatur ser<r>a secreta et clave quae detineatur paenes parochum, et foris inscribatur literis maiusculis *Oleum infirmorum*. [355v] Vidit etiam vasa portabilia in quadam capsula ex lamine ferreo dealbata, quae inserviunt pro suscipiendis oleis sanctis, et sunt ad formam.

Prope dictum fontem visitavit sacrarium, quod mandavit muniri ostiolo cum ser<r>a secreta et clave quae detineatur paenes parochum.

Visitavit sedem confessionalem tolerabiliter ad formam et mandavit in ea apponi schedulam casuum reservatorum et summarium bullae Coenae.

Visitavit altare maius, quod manutentur a communitate, nullum habens redditum nec onus, et est sufficienter provisum de necessariis ad celebrationem missae. Dictum altare providetur de candelis pro missis celebrandis a quodam consortio mulierum ibi erecto auctoritate ordinarii, quod gubernatur a parocho sub quibusdam regulis approbatis. Dictae mulieres habent suas officiales, cuius caput dicitur priora, paenes quam asservatur massa pecuniaria constituta ex contributionibus annuis dictarum consororum, ex qua solent subvenire sororibus defunctis de libris sex caerae pro sepulchralibus exequiis in earum depositione et etiam de elemosinis pro missis celebrandis. Dictae officiales renovantur annuatim et computa tunc temporis redduntur coram domino rectore et novis officialibus.

In dicta ecclesia reperitur etiam societas sanctissimi Sacramenti tam de viris quam de mulieribus cum privilegiis et indulgentiis, ut ex bulla pontificia.

Visitavit altare cum eius capella pariter manutentum a communitate sub invocatione sancti Francisci Xaverii, et est sufficienter provisum de icone cum ornamento columnarum ex calce sculptarum et etiam de caeteris requisitis ad celebrationem missae quae in eo solet aliquando celebrari absque ullo reddito et onere. Gaudet dictum altare indulgentia plenaria ad septennium pro die festivo eiusdem.

Visitavit altare sub titulo Purgatorii et invocatione beatae Virginis de Carmine pariter

manutentum a communitate, et est sufficienter provisum de icone cum ornamento [356r] columnarum ex calce sculptarum et etiam de caeteris requisitis ad celebrationem missae. Dictum altare habet redditum annuum librarum centum monetae Genuae circiter, provenientium ex quibusdam fructibus bonorum stabilium applicatorum a communitate et etiam a pluribus aliis personis privatis dicto altari; habet etiam alterum redditum annuum librarum sexaginta monetae Genuae, provenientium ex certis annuis contributionibus dictae communitatis, consistentibus in pane haebdomadario, ex quibus redditibus providetur primum altare de suppellectilibus sacris et ex eo quod superest celebrantur per dominum parochum totidem missae pro animabus Purgatorii. Dictum altare est privilegiatum ad septennium.

Vidit suppellectilia sacra, quae invenit asservari in choro in quadam scamno munito ser<r>a secreta et clave quae detinetur paenes parochum, et mandavit calicem deaurari saltem infra annum nec non provideri de quatuor albis pro missis celebrandis et etiam de quatuor tobaleis pro altaribus, caeterum [sic] sunt sufficientia et perpolite custodiuntur.

Corpus ecclesiae est dealbatum cum fornice et ad formam, sicut etiam sunt eius fores, munitae clave quae detinetur paenes parochum. In dicta ecclesia reperiuntur duo tumuli manutenti a communitate, unus pro viris et alter pro foeminis, et mandavit fieri tertium pro parvulis sepeliendis, saltem infra biennium. Reperitur etiam alius tumulus manutentus a reverendo domino Iohanne Gilio de Paulis tam pro se quam pro successoribus et omnibus reverendis secularibus et etiam regularibus.

Vidit pulpitum ad formam, in quo concio haberi solet ad populum tempore quadragesimali secundum posse communitatis et etiam aliis solemnioribus diebus per annum.

[356v] [*en marge*] Oratorium sanctae Crucis

Visitavit oratorium sub invocatione sanctae Crucis prope ecclesiam praedictam parochialem, et manutentur a confraternitate laicali ibi erecta auctoritae apostolica, quae inservit sub quibusdam capitulis ab ordinario approbatis, et habent suos officiales qui de semestre in semestrem renovantur et computa redduntur coram parocho et confraternitate. Dicti confratres induunt cappas albas et habent massam pecuniariam provenientem ex contributionibus annuis dictorum fratrum, ex qua solent providere oratorium de necessariis et etiam confratres defunctos de duodecim libris caerae pro sepulchralibus exequiis in eorum depositione et etiam de elemosinis pro missis celebrandis; solent etiam congregari singulis diebus festivis et recitare officium beatae Virginis et alias praeces effundere et etiam processionaliter associare confratres defunctos

sepeliendos.

In dicto oratorio adest unicum altare nudum et expoliatum et dumtaxat provisum de icone; mandavit provideri de necessariis ad celebrationem missae quae in eo solet semel in anno celebrari de licentia ordinarii et parochi.

Corpus oratorii est noviter erectum et dealbatum cum fornice ad formam, sicut etiam ianua extrinseca, quam mandavit muniri clave quae detineatur paenes priorem; mandavit fieri ostiolum pro pulpito quod est in conspectu altaris oratorii.

Doctrina christiana docetur singulis diebus dominicis inter missarum solemnias, et populus repertus est satis instructus.

Nuptiae raro benedicuntur, ideo mandavit in posterum benedici ad formam missalis romani, et si sponsi negligentes fuerint in benedictione petenda, contra eos poenam (etc.).

Procuratores dictae ecclesiae renovantur annuatim [357r] et computa tunc temporis redduntur coram parochi et communitate.

Visitavit libros parochiales et mandavit omnino servari formulam ritualis romani, tam in conscribendis matrimoniis quam in nominibus baptizatorum et defunctorum; mandavit etiam [confici] librum de statu animarum, quas dictum fuit esse in totum in hac parochia quatuorcentum, ex quibus communicantur trescentum; omnes paruerunt praecepto ecclesiae, exceptis nonnullis qui se praesentaver[un]t parochi sed impediti non potuerunt satisfacere praecepto, et ut certo certius sciatur in posterum an omnes communicaverint mandavit distribui singulis schedulas et eas recolligi priusquam tempus paschale terminetur, ut sic admoniti omnes possint parere.

In hac parochia reperitur unicus reverendus, scilicet presbiter Carolus Antonius de Iavinis [*lire* Gavinis], et unus clericus, scilicet Petrus Antonius, et ambo prout attestatur dominus parochus sunt bonae vitae et interveniunt functionibus parochialibus (etc.).

Visitavit aedes canonicales, in quibus habitat laicus de consensu parochi, cum ipse parochus habitet in domo propria, et vidit esse sufficientes.

[*en marge*] Ecclesia campestris beatae Virginis Assumptae

Eadem die in vesperis.

Praefatus dominus visitator (etc.) visitavit ecclesiam campestris sub invocatione beatae Virginis Assumptae, quae antiquitus erat ecclesia parochialis de Petra alba et pro maiori commoditate populi fuit translata parochia ad praedictam sancti Rocchi sitam in proprio loco Petrae albae. Apud dictam ecclesiam reperitur domus canonicalis, in qua habitant duo eremitae seu monaci laici, qui erunt visitandi, et debent custodire dictam ecclesiam, in qua visitavit unicum altare, quod manutenetur a communitate et est sufficienter provisum de necessariis [357v] ad celebrationem missae quae in eo solet saepe saepius celebrari absque ullo reddito et onere, et habet iconem ad formam; mandavit provideri de umbella seu baldachino supra dicto altare appendendo, saltem infra sex menses.

Suppellectilia sacra asservantur in quadam capsula, quam mandavit muniri sera secreta et clave quae detineatur paenes parochum.

Corpus ecclesiae est ad formam, mandavit tamen eius tecta resarciri saltem infra annum, sicut etiam mandavit fores dictae ecclesiae muniri ser<r>a secreta et clave quae detineatur paenes monachos seu eremitas.

In dicta ecclesia reperiuntur quatuor monumenta sepulchralia ad formam, sed in eis amplius non sepeliuntur cadavera, cum sepeliantur in parochia praedicta.

Visitavit etiam campanile cum duabus campanis ad formam.

[*en marge*] Oratorium sanctae Luciae

Visitavit oratorium sub invocatione sanctae Luciae, situm in loco Casanove et intra limites parochiae sancti Rocc[h]i, quod manutenetur a communitate, nullum habens redditum nec onus, et in eo vidit altare sufficienter provisum de icone et de necessariis ad celebrationem missae quae in eo solet per parochum semel per hebdomadam celebrari. Suppellectilia sacra asservantur in quodam scamno, quod mandavit muniri ser<r>a secreta et clave quae detineatur paenes deputandum a parochio.

Corpus oratorii est dealbatum cum fornice ad formam, sicut etiam sunt eius fores, munitae clave quae detine[a]tur paenes deputatum.

Vidit etiam campanile parvum supra [358r] murum dicti oratorii cum campanula ad formam.

Comparuit Valerius olim Quirici a Petraalba, eremita deputatus in servitium ecclesiae campestris sanctae Mariae de Assumptione; ostendit litteras patentes suae deputationis expeditas apud ordinarium (etc.), et prout attestatur dominus parochus est bonae vitae et inservit ecclesiae (etc.).